

大乘集菩薩學論卷第四

土四

要鑑藏經真美梵語普明慈覺傳梵大師賜紫沙門圓清等奉讐

護持正法戒品第二之二

論曰於是經典不捨諸善知識如護己身於是經典一剎那須樂菩薩學於是經典集菩薩行於菩薩學應擇彼言是故伺察不墮是

土四

罪於無智處亦不愛樂見是經典常樂尊重見是經者不捨諸善知識爲說護持一切正

法如海意經云然善男子不可說者謂以文字語言於無生法中而不可說若以文字語言詮總持門乃有其說此即名爲護持正法又善男子有說法師於如是等甚深經海如

若謂是法於法可轉是法無所取著此即名爲護持正法

論曰彼說法師雖說親近善知識及不捨善知識相若不護持正法是不守護是不清淨是不增長即非菩薩決定於如是事護持正法師子吼勝鬘經云佛言菩薩所有貌伽沙

說修行者若人於此法師親近恭敬尊重承事密爲護持飲食衣服坐卧之具病緣醫藥種種供施護諸善品及護語言設有謗謗亦爲覆藏此即名爲護持正法乃至善男子於佗無諱可勝無法可說是人與法俱無有執此即名爲護持正法又善男子於諸衆生解

數無量行願皆應涉入一大願中所謂護持正法護持正法者是大境界彼經復說譬如大力士少觸身分爲彼損害佛言勝鬘少護正法亦復如是令魔波旬得大憂惱我不見餘一善法能令惡魔生此憂惱如是唯少護持正法之者又云譬如須彌山王端正殊

特於諸黑山最為高大佛告勝鬘如是大乘捨身命財以攝取身護持正法勝餘住大乘者不捨身命財所護一切善法故如海意經偈云護持如來正法者即為勝尊所攝受諸天龍王緊那羅福德智惠皆能攝乃至護持如來正法者所生刹土不空過一切生中見

勝尊見已即得心清淨護持如來正法者而得宿命大我法出家善利數能成所修真實清淨行又云護持如來正法者得大總持及善利正使百劫非聽聞由具辯才悉無礙護持如來正法者乃至釋迦護世等人中復得轉輪王悉悟菩提安隱樂護持如來正法者

具三十二殊妙相大智莊嚴喜樂身隨所見者無厭足護持如來正法者而不捨離菩提心波羅蜜行不棄捐普能攝受多種善

護法師品第三

論曰守護方便說有三種謂護身語得離諸難護持正法行者思惟守護不令佗人之所

損害離此難事如虛空藏經護持正法諸菩薩等同說偈言最上兩足尊於此滅度後咸生勇猛心不自惜身命護持佛正法棄捨於利養及離諸眷屬為證佛智故不捨是正法若毀恨罵辱乃至加惡言護持正法故我等皆當忍或戲調輕蔑誅謗不稱讚護持正法

故一切皆當忍又總略云為末法衆生我當持正法如世惡比丘有大增上力於諸妙經典不聽亦不讀唯自師已見執異互相非又於甚深教皆順解脫果如是正法中心不樂分別乃至以慈令衆生或不住是法為起悲愍心得持是經故若見毀戒人貪著於利養

上四

我當憐愍心方便令棄捨若見惡心者毀謗於正法我以慈忍心正見令歡喜如力護彼人善成於語業或復不與言彼當自安住後以四攝事成熟如是人於罪惡行中教導令開悟或能捨憤闊寂住善境界如自在鹿王少欲及知足乃至偈云若入於聚落調柔心

正直諸有求法者爲說深妙法令遠住空閑樂寂靜法欲由斯善利中而常獲法樂若諸迷謬者數數現其前安住法樂中應當自觀察我爲導世師不染世間法而於毀讚中若須彌不動破戒諸比丘設來增毀謬應自忍是事慎勿加於彼又此諸法中我說無所有於斯正法行不生冤報想假我沙門相實無沙門德聞此嘔陀南於經亦毀謗或截於耳鼻及不喜樂見聞此嘔陀南正法悉誹謗未來諸比丘護持正法者爲其作留難不令聞是法或爲王所執謫罰於大衆我願承佛威普皆聞是法當來惡世時寧喪於身命護持

正法故作衆生利益妙法蓮華經亦作是說應入行處及親近處常離國王及國王子大臣官長兇險戯者及旃陀羅外道梵志亦不親近增上慢人貪著小乘三藏學者破戒比丘名字羅漢及比丘尼好戯笑者諸優婆夷皆勿親近若是人等以好心來到菩薩所爲

聞佛道菩薩則以無所畏心不懷希望而爲說法寡女處女及諸不男皆勿親近以爲親厚及至販肉自活術賣女色如是之人皆勿親近兜險相撲種種嬉戯諸婦女等盡勿親近莫獨屏處爲女說法若說法時無得戲笑論曰復說是難所謂魔事般若經云謂魔波旬於末久住菩薩乘者修習此般若波羅蜜多時起大勢力又云復次阿難陀若菩薩摩訶薩修習此般若波羅蜜多時有惡魔來於菩薩所生燒亂意現怖畏事化雷電火燒十方界欲令菩薩驚怯毛豎於一念中退失阿耨多羅三藐三菩提心復次教人書寫乃至讀誦是人不樂棄捨利養從座而去如是狂亂作大戯笑復次書寫乃至讀誦起諸魔事謂尋求城邑聚落和尚阿闍梨父母知識營從親黨如是作意又復思念賊難衣服財物復次有說法師樂欲如是甚深般若波羅蜜多書寫乃至讀誦彼聞法者或生厭怠於法

師所如是顛倒樂往佗處聽餘經法又說法師樂欲大器彼聞法者希望少分或說法師唯樂略說彼聞法者更希荷負如是一切說爲魔事又虛空藏經云乃至樂行十不善業捨於善法如是一切悉爲魔事海意經云世尊復次菩薩住阿蘭若樂處閑寂以爲止足

雖離俗出家少欲知足然妙樂行不求多聞亦不化度衆生於講法處不樂聽聞是中隨宜所說諸決定義應當親近不生詣問於少善行亦不希求然住空閑多樂憤闊集煩惱行如彈指頃即從座起不自知覺不脩違害壞道觀門不行自利利佗世等是名菩薩住阿蘭若第七魔事以要言之世尊復次菩薩有惡知識親近承事與善知識體相無異乃至斷四攝事斷脩福業斷護持正法唯脩狹惠少欲知足教詔爲說聲聞緣覺若時菩薩離大乘行於此菩薩營務定可作者故樂稱量唯脩狹惠如有處說菩薩於菩提道勇猛

精進暫無懈息或八九劫當得阿耨多羅三藐三菩提然不能得是菩提果世尊是菩薩勇猛精進於此住著決定無有唯處閑靜得此果故世尊是名菩薩於善知識體相第十一魔事若人於此菩薩乘爲魔鈞所制緣佗法行共樂脩習如其隨轉親近下劣之所脩作

趣下劣行所謂惛迷所向無知猶如啞羊乃至是名第十一魔事

論曰不學如是勇猛精進菩薩於一切時處脩習如不習等彼寶雲經說謂諸菩薩於諸威儀進止發精進行若身若心嘗無懈倦是名菩薩畢竟精進云何於此精進得生懈倦或非時分脩極重事遂生怯弱尚未成熟信解難行苦行便謂施自身肉何得非時持此受用施諸衆生由是菩薩於諸衆生而生懈倦即時損棄積集大果菩提心種子又虛空藏經云非時固求是爲魔事謂非時於身忽起如是捨心如先不脩習亦勿少施住是念

土四

五

者以癡自害違純熟菩提心等是故捨自身肉等事應善守護如善現藥樹受用根種於非時施應善守護此正覺藥樹亦復如是

論曰於魔事平等是難如寶雲經說佛告善男子云何離諸魔事得不壞善謂此菩薩一切時處應先遠離諸惡知識亦不對類詣彼

方所論世俗語親近利養供養恭敬如是多種一切時處悉皆遠離又若微細煩惱能障菩提道者一切時處亦能遠離善知如是所對治故彼經復說惡知識相謂毀正戒者此惡知識應當遠離如是毀正見正行正命之者悉皆遠離樂憒鬧者多懈怠者著生死者

背菩提門者樂居家眷屬者應當遠離如是諸惡知識善男子雖樂遠離此惡知識然不於彼發起惡心及損害意應如是住心又世尊言處衆生界破遣合集是故我應遠離此故

凌滅是人速疾得諸佛集會中如星賀太子生生念法施又生生世世乃至夢寐中不捨菩提心況復今覺時彼經云若於是行處或聚落城邑亦不捨是心教化令佗悟文殊莊嚴佛刹功德經云菩薩成就四法不失本願乃至得離憍慢憚貪嫉妬或見他人安隱富

菩薩成就四法失菩提心何等爲四一者謂於阿闍梨及餘師長而不尊重返生欺誑二者無疑悔處令佗疑悔三者住大乘者而稱讚毀生罵辱四者與人從事心行詔詐而無正直復次迦葉菩薩成就四法諸所生處得不捨離菩提之心乃至坐菩提場相續現

前何等爲四一者設遇喪命因緣不以妄語親近戲笑二者與人從事心行正直離諸詔詐三者於諸菩薩起議論想隨所四方稱讚其名四者化度衆生志不求餘一切具足令住阿耨多羅三藐三菩提佛言迦葉是名四種師子王所問經偈云若人行法施亦不爲

樂代之悅豫

論曰如是於菩提心開發無妄失故如寶積經說一切威儀進止皆菩提心事業是心由過去菩提心故又月燈三昧經偈云若人多疑惑應受我教敕由得此深心彼疑當出離論曰不證厚是難遠離此者見寶雲經說菩薩發如是心以我精進怯弱下劣及懈怠故脩習菩提自謂難得如是於無量多百千劫之所積集如救頭燃方證菩提我今棄捨如是重擔云何菩薩發如是謂言所有三世如來正等正覺精進脩行方現等覺乃至如是非不長時現成正覺我今亦應於多劫中護持攀緣爲諸衆生積集精進當得阿耨多羅三藐三菩提

論曰復說是難寶積經云於未成熟衆生而論曰復說是難寶積經云於未成熟衆生而同善巧是菩薩錯謬於非法器衆生示以諸佛深廣妙法是菩薩錯謬於廣大信解衆生示下劣乘是菩薩錯謬

論曰不生信解是難如護國經云謂於佛法僧寶不生信解亦不信解學社多行亦不信解罪福等事住是過失門者由此死已設生人中受癡冥報後受地獄餓鬼畜生之苦

論曰爲離此者見寶積經說若人於其深法無所入解不生誹謗如來知是證知又云然我不能知解但於無量者佛菩提種種信解故如來爲此衆生說正法行

論曰應知捨善營事行是難故菩薩別解脫經云於行法比丘所爲供養佛聽聞妙法親近營事

論曰被營事行如寶積經說佛言營事比丘於諸比丘衆應護持是心若阿蘭若比丘樂空寂處坐彼營事比丘於一切時處不應役使時阿蘭若比丘設入衆學處而得役使是營事比丘應代彼作或別請比丘代彼阿蘭若比丘作故若有行乞食比丘彼營事比丘應與羨膳而供給之復次迦葉若有比丘得

離扼者彼營事比丘隨其所湏一切給與所謂飲食衣服卧具醫藥若離扼比丘所住之處不應高聲彼營事比丘於離扼比丘所近住坐卧爲作防護隨其所樂上妙飲膳而供給之又云若有多聞比丘應當勇悍乃至守護若有說法比丘應當爲法乃至就座聽法住法會處或論議場清淨之處乃至應當三唱善哉以要言之不應於所有物起自在想設少有辦事衆許方作勿自許用乃至現前僧物四方僧物不相混聚及佛塔物更互積聚應善遮防如是顛倒若四方僧物與現前僧物互有疑惑彼營事比丘應白衆言此現

前僧及四方僧利養事應同意施作如是佛塔朽壞應求施者而爲興作是佛教敕復次迦葉若佛塔物多彼營事比丘不應分與現前僧及四方僧所以者何以佛塔物下至十分之一皆是淨信何得多取諸天世人佛塔想況復珠寶皆即寶故若取佛塔衣於如

來制底寧使周雨曝爛散滅不應以寶貿易此衣如來塔衣無有人能善作價者又佛無所須故佛言迦葉若營事比丘以惡心故於持戒者爲手供給自在役使以不善業墮大地獄設得爲人作世奴僕希求財利爲佗役使毀罵打撲以要言之或於比丘更作新制恐畏譴罰非時役使是營事比丘以不善根墮大地獄名曰多針乃至千針針身熾然猛烟成大火聚又總略云其舌廣長百由旬量於舌根上每百千針熾然猛火難堪難忍佛言迦葉又營事比丘若來若去得僧利義惺惜拘藏或應時不時與或困苦與乃至不與

大營事比丘以不善根故死墮餓鬼名食糞丸有大力鬼持以示之初不得近然於糞丸仰目諦視受食渴苦經百千歲於其飲食了不可得設有少得由險惡行悉成糞穢又僧護緣起亦說是難佛告僧護比丘言如汝所見寶非是壁是地獄人迦葉佛時是出家人

以非理凍噉汚僧坊壁由斯業報受肉壁苦  
猛火燒然至今不息又汝所見實非是柱是  
地獄人如前非理以凍噉汚僧坊柱受肉柱  
苦至今不息又汝所見實非樹葉華果是地  
獄人如前非理於僧坊樹葉華果獨先受用  
或與白衣受肉樹等苦至今不息又汝所見

實非緊索是地獄人如前非理於僧坊索獨  
先受用或與白衣受肉索苦至今不息又汝  
所見實非是杓是地獄人迦葉佛時而爲沙  
彌以慳詎心執杓摩拭客比丘來時彼沙彌  
見已背立客比丘言此衆有漿飲否彼慳惜  
心答如是言汝何不見執杓摩拭求欲飲水

尚未可得時客比丘到已嘿然空無所得慚  
赧而去由斯業報受肉杓苦如前不息又汝  
所見實非杓曰是地獄人迦葉佛時比丘聚  
物主事緣處有一沙彌持印記者即阿羅漢  
有比丘來語沙彌言當湏杓曰彼言尚座且  
住湏吏我有少務後當與拂彼發憤恚語沙

彌言我若得是杓曰擲汝曰中如是拂拂何  
況杓曰是時沙彌知彼穢毒惡言罵辱我若  
報言轉增憤恚嘿然而住乃於後時瞋罵少  
息詣彼說悔大德上座如是煩惱彼言汝知  
此迦葉佛法律中出家沙彌我爲上座比丘  
沙彌說言若如是者我等出家云何斷余一  
切煩惱解脫一切結使出是惡言應善對說  
悔罪之法是名隨所至向使業消薄時上座  
比丘不爲對說瞋猶不悔以斯業報作肉杓  
曰受苦不息又汝所見實非是鐺有比丘來  
鐺不用否沙彌答言且坐湏吏承事病比丘  
故爲彼煎藥是比丘不樂此說以惡心故壞

鐺而去受肉鐺苦至今不息又汝所見中間  
若斷唯少連持者是地獄人由昔主持比丘  
利養以慳惜故回換衆物冬時兩時交互而  
與由斯業報受苦不息

十

四

鐺而去受肉鐺苦至今不息又汝所見中間  
若斷唯少連持者是地獄人由昔主持比丘  
利養以慳惜故回換衆物冬時兩時交互而  
與由斯業報受苦不息

空品第四

論曰復次經說大義如虛空藏經云佛告彌

勒菩薩言灌頂刹帝利王有五根本罪若犯此者焚滅一切宿種善根趣向惡道墮他勝處遠離一切天人等樂何等爲五善男子謂灌頂刹帝利王故取佛塔物四方僧物自作教他是名第一根本罪若謗聲聞乘法緣覺乘法謗大乘法隱蔽留難是名第二根本罪

若依我法而出家者剃除鬚髮被袈裟服於學無學持戒毀戒脫其袈裟逼令還俗或加捶打獄囚繫閉或斷命根是名第三根本罪殺害父母殺阿羅漢破和合僧以惡心故出佛身血隨作一事是五無間業是名第四根本罪若謗無因果不畏他世自行十不善業道或轉教多人身自堅住教他堅住十不善業道是名第五根本罪乃至總略若樂破壞國邑聚落舍宅人民是名根本等罪以要言之復次善男子善女人初行住大乘者有八根本罪此初行住大乘者於根本罪而有錯謬焚滅一切宿種善根趣向惡道墮他勝處

遠離天人大乘等樂久處輪回離善知識何等爲八此諸衆生因昔惡行而生險難五濁惡世以少善根近善知識得聞甚深大乘經典其人淺智即發阿耨多羅三藐三菩提心而初行菩薩聞說甚深法空經典如其所聞受持讀誦爲前淺智如實開示巧妙文義廣大境界彼愚夫異生聞如是說心生怖畏心怖畏故即便退失阿耨多羅三藐三菩提心發聲聞乘心是名初行菩薩第一根本罪善男子以犯罪故焚滅一切宿種善根趣向惡道墮他勝處遠離天人大乘等樂毀菩提心是故菩薩於他有情補特伽羅深心志願應先知已如心所行隨其漸次而爲說法譬如漸入大海以要言之復次初行菩薩發如是言汝不能脩習六波羅蜜行亦復不能阿耨多羅三藐三菩提汝應速發聲聞辟支佛心汝可速得出離生死乃至如前所說是名初行菩薩第二根本罪

# 大乘集菩薩學論卷第四

土四

報速得阿耨多羅三藐三菩提故如彼所言取是見者二俱得罪是名初行菩薩第四根本罪復次初行菩薩作二種語如其所見大乘經典爲利養故廣大稱讚受持讀誦聽其義理爲佗人說便作是言我是脩大乘者見他得利而懷嫉妬又陀所得或全或分便生

## 大乘集菩薩學論卷第五

土五

西天釋迦藏銀青光據大乘光緣佛普明慈覺禪慈大師釋紫沙門法華等著譯

空品第四之二

復次初行菩薩作如是言汝何堅持守護波羅提木叉及律儀戒應速發阿耨多羅三藐三菩提心讀誦大乘經典若身語意所集煩

憍不善業報悉得清淨乃至如前所說是名初行菩薩第三根本罪復次初行菩薩作如是言善男子如能遠離聽受讀誦聲聞乘法亦不爲佗人說此聲聞乘法不能得大果報不能求斷煩惱應信大乘經典聽受讀誦爲佗人說此大乘經法能令懺除一切惡道罪

信船斷智惠命此初行愚童諸小菩薩以嫉妒故得大重罪是名第五根本罪復次善男子未來世中當有在家出家初行菩薩於甚深空義所屬經典三昧總持諸忍諸地大莊嚴事善人沙門及菩薩行於此大乘經典受持讀誦廣爲人說然於是法我自所證由悲